



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

27. Quomodo Beatus Stephanus protomayrtyr visus est apud SS.
Apostolos Petru[m] et Paulu[m] intercedere pro vrbe Metensi, in qua
reliquiæ S. Stephani requiescunt.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

verò ad Traiectensem urbem accedens, modica pullatus febre recessit à corpore. Ablatusq; fidelibus, iuxta ipsum aggerem publicum est sepultus.

Gregor. Turonens. lib. 2. cap. 6. historia Francorum, quomodo B. Stephanus Protomartyr visus est apud SS. Apostolos Petrum & Paulum intercedere pro urbe Metensi, in qua reliquiae S. Stephani requiescunt.

CAP. XXVII.

CHuni à Pannonijs egressi, ut quidam ferunt, in ipsa sanctæ Pascæ vigilia, ad Metensem urbem, reliqua depopulando, perueniunt, tradentes urbem incendio, & populum in ore gladij trucidantes, ipsosque sacerdotes Domini ante sacrosancta altaria perimentes. Nec remansit in ea locus inustus, præter oratorium beati Stephani primi martyris ac leuitæ. De quo oratorio quæ à quibusdam audiui, narrare non distuli. Aiunt enim priusquam hi hostes venirent, vidisse se vnum fidelem in visu quasi conferentem cum sanctis Apostolis Petro ac Paulo, beatum Leuitam Stephanum de hoc excidio, ac dicentem: Oro Domini mei, ut non permittatis obtentu vestro Metensem urbem ab inimicis exuri, quia locus in ea est, in quo paruitatis meæ pigra continentur: sed potius sentiant populi aliquid me posse cum Domino. Quod si tantum facinus populi supercreuit, ut aliud fieri non possit, nisi ciuitas tradatur incendio, sal-

saltem vel hoc oratorium non cremetur. Cui illi aiunt, vade in pace dilectissime frater, oratorium tantum tuum carebit incendio. Pro vrbe verò non obtinebimus, quia Dominice sanctionis super eam sententia iam processit inualuit enim peccatum populi, & clamor malitiæ eorum ascendit coram Deo, ideo ciuitas hæc cremabitur incendio. Vnde proculdubio est, quod horum obtentu vrbe vastata, oratorium permansit inlæsum.

Gregorius Turonensis eodem lib. cap. 7. Quando Aurelia ciuitas ab Attila & Hunnorum obsidione liberata sit per Anianum sanctissimum eiusdem ciuitatis Episcopum, omnes obsessos ad orationem hortantem.

C A P. XXVIII.

Atila Hunnorum rex à Metensi vrbe egrediens, cum multas Galliarum ciuitates opprimeret. Aureliam aggreditur, eamq; maximo arietum impulsu nititur expugnare. Erat autem eo tempore beatus Anianus in supradicta vrbe Episcopus, vir eximie prudentiæ, ac laudabilis sanctitatis, cuius virtutum gesta nobiscum fideliter retinetur. Cumque inclusi populi suo Pontifici, quid agerent acclamarent, ille fesus in Deo monet omnes in orationem prosterni, cum lechrymis præsens semper in necessitatibus domini auxilium implorare. Deniq; his ut preciperat deprecantibus, ait sacerdos: Aspice de muro ciuitatis, si Dei miseratio iam lucet.